


Deftere Bikkon
Don sappina

Esaya Ngi'i Yeeso



Windowo: Edward Hughes

Didowo: Jonathan Hay

Mo'inowo: Mary-Anne S.

Lornowo: The Bible Society of Nigeria

Waŋginowo: Bible for Children

www.M1914.org

©2023 Bible for Children, Inc.

**Jarfuye: A don mari jarfu windugo mala wurtinugo tariya
ndu nder masin, to na je sippugo.**



Isaaya laati annabiijo. Kuugal maako woni o yecca yimbe ko Allah wi'i. Yimbe yidaa nanuki wolde Allah koo ndey, ammaa Esaaya semtinay Allah.

Esaaya wadi wa'aju maako wakkati laamu laamiibe feere feere nayo.



Uzziya

Yootam

Ahaz

Hekzekiia



Laamiido Uzziya laami leddi Yahuuda haa berniwol Urusaliima. Daga aranol, Allah barkidini Uzziya ngam o wadi ko woni booddum haa yeeso Jawmiraawo. Ammaa Uzziya mawnin hoore maako sey o acci dowtaango Allah. Sadawre nangi mo, warti o joodoto feere maako haa o maaya.



Laamiido Uzziya wadi laamu buri duubi sappande jowee'go'o. Sai o maayi, bidfo, Yotam, roni, laami duubi sappo e joweedifi. Allah barkidini Yotam ngam o hediti ko Allah wi'ata heedi Isaaya e godfi annabo'en.



Bidfo Laamiido Yotam woni Ahaz. Duubi Ahaz sappande didi ko o fudda laamuki, o laami duubi sappo e joweego'o nder Urusaliima. Walaa ko yaali Ahaz bee Allah, o rewani labbi e dowanteebe pewe, o dowi yimbe Allah boo duddum ngam be wada non maajum. Koo nde laati Isaaya sappani mo, Ahaz heditay sappanaade Allah. O maayi sa'i o woodi duubi sappande tati e njowo.




**Allah barkidini Hezekiya,
laamiido tokkuudo mo, ngam
o itti labbi, e dowanteebe
pewe fuu, o don ngadana
Allah goonga tan do'a maako.
Sa'i honoobe konoobe ukkani
Yahuuda, Hezekiya anndi
honoobe maako ngala
sembe waduki jaarugal, sey
o yecci Isaaya dow o wada
do'a ngam wallinde Allah.**



Isaaya leldi jawaabu maako haa laamiido, "Nda ko Jawmiraawo wi'i: Taa kultor konoowo oo, mi do'an mo. "Tikkungel gada don, Allah wadi honoobe konoobe ndilli be kabay e Hezekiya sam.




**Koo nde laati
yimbe taari mo
numata Allah
duddum nder
bernde
mabbe,**



**kanke o don numa
Allah nder bernde
maako. Nyalaade
feere o ngi'i wahayu,
nde laati bana koydol
ammaa goddo
daanaki. Nder
wahayu
maajum,
Isaaya
ngi'i no
Jawmiraawo
mari
teddinoore e
Seenande.**



**Allah yāmi nder wahayu
maajum, "Moy lilanmi?"
Isaaya jaabi, "Nda yam do,
lilam." O jabi o huuwan ko
Allah yāmi fuu, o njahan
haa Allah leli mo fuu.**



Ego Isaaya tammi Allah lilay mo daayidum, haa yimbe meeday nanuki wolde Allah sam. Ammaa naa non, Allah waday non. Allah wi'i Isaaya wolwana yimbe mum nder leddi mum. O yecca be dow Allah tikki

ngam hakke mabbe.




Woodi goddi kuujeji Isaaya yeccata yimbe maako- kuujeji kaynidi dow goddo mo laatoto kisnoowo semmbidfo mo ngarata hisna be daga hakke e konoobe mabbe fuu.



**Yahuudu don mbi'a godfo do, "Kisnoowo." Koo
nde laati be don yeela Allah lildan Kisnoowo,
yimbe duuddum don joodi bana o warataa sam.**




**Kuujeji Isaaya wi'i
dow Kisnoowo fuu
don windi nder
deftere nde'e. Koo
nde laati o windi
di duubi teemerde
hiddeko di ngada,
ko Isaaya wolwi
dow Kisnoowo fuu
laatoto goonga.**



**Allah bee hoore maako
hokkan alaama. O wi'i,
"Raa, paanyo debbo**

**reedoto, o danyan
Bid'fo gorko, on inndoto mo
Imaanuwel." Yimbe anndi
Isaaya don wolwa dow
Kisnoowo iwudo to Allah
ngam debbo laatata
paanyo boo o danya**

**biɲngel. Ma'ana
innde Imaanuwel
woni "Allah e wondi
e meeden!"**





**Ngam men biɲngel
danyanaama, ngam men
bidɔ gorko ndokkaama;
laamu laatoto dow balawal
maako. Be noday mo
Kaayeeɲijo, Sarwoowo,
Allah Semmbidɔ, Nyaako
duumiido, Laamiido
salaaman." Isaaya anndi
fakat alkawal Allah wartan
goonnga, o wolwi dum
bana fii dum ngadi. Ndi'i
mbi'ete annabaaku.**



Isaaya wi'i Kisnoowo laatoto mawdo o huuwan kuude mawdi. Allah wi'i Isaaya yecca yimbe dow Kisnoowo torroto, o mbaroto. Ego Isaaya kayni no dum laatata Kisnoowo laata mawdo, semmbidfo, nden boo o laata yoosudo haa be nawna mo. Ammaa Isaaya yeddotiray bee Allah, o njahi o wi'i ko Allah yecci mo o wi'a. Allah wadan annabaaku Isaaya warta goonnga.



Kisnoowo don wara, naa ngam yimbe Yahuudu tan. Allah yecci Isaaya dow Kisnoowo on laatan "Jayngol Jananbe." Jananbe woni yimbe ngonbe nder duuniyaaru be laatay Yahuudu'en. Allah yidi koo moy, non boo Kisnoowo maako ngaroto, ngam o barkidina koo moy, o wadda kisndam haa timmorde duuniyaaru.



Esaaya Ngi'i Yeeso

Tariya ha nder Wolde Allah, Deftere,

tawama ha nder

Isaaya 1, 6, 7, 9, 53

"Damugal Wolde Mada don hokka jayngol."

Jaabura 119:130



Timminol



Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.

Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.

To a tammi dum gonga, Yeccu do ha Allah:

Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.

Jaangu Deftere e ngewtu be Allah tum tum! Yohonna 3:16

